

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 16.11.2020թ. թիվ 2011877923 որոշումն անփոփոխ, իսկ վարչական բողոքն առանց բավարարման թողնելու մասին

<<26>> 11 2020թ. 7-13 14964

ք.Երևան

Ճանապարհային ոստիկանության պետ, ոստիկանության գնդապետ Ե.Կարեպետյանս, վերանայելով Կարեն Միրզոյանի ՄԴ/152820-20 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Քաղաքացի Կարեն Միրզոյանը (**ծանուցման հասցե**՝ Սյունիքի մարզ, գյուղ Խոզնավար, 2-րդ փողոց, 7-րդ տուն) դիմումով խնդրել է կասեցնել վարչական տույժ նշանակելու մասին թիվ 2011877923 որոշումը՝ նշելով, որ իրավախախտումը կատարել է տրանսպորտային միջոցի եզրաչափերի պատճառով՝ երթևեկելի մասի աջ հատվածում առկա ծառի ճյուղերի հետ բախումից խուսափելու նպատակով:

Դիմումի քննարկման արդյունքում պարզվել է, որ վարչական ակտն ենթակա է կատարման՝ հետևյալ պատճառաբանությամբ.

<<Տեսանկարահանող և լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 3-րդ հոդվածի 1-ին մասի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած տեսանյութն է կամ լուսանկարը, որը պարունակում է նաև տեխնիկական միջոցով արձանագրված տվյալները:

Իրավախախտումն արձանագրած տեսանյութը ապացուցում է ինչպես Երևան քաղաքի Ագաթանգեղոս - Խորենացի փողոցների խաչմերուկի հատվածում 28.10.2020թ. ժամը 17:33-ին 1.1 համընթաց ուղղության տրանսպորտային հոսքերը բաժանող հոծ գիծ գծանշման առկայությունը և տեսանելիությունը, այնպես էլ <<MERCEDES-BENZ>> մակնիշի 999PP76 հաշվառման համարանիշի տրանսպորտային միջոցի կողմից առջևի երկու անիվներով այն ամբողջությամբ հատելու փաստը:

Վարչական իրավախախտումների վերաբերյալ << օրենսգրքի 124-րդ հոդվածի 35-րդ մասի համաձայն՝ տրանսպորտային միջոցների համընթաց հոսքերն իրարից բաժանող «հոծ գիծ» գծանշման պահանջները չկատարելու համար սույն հոդվածի 1-ին մասով նախատեսված վարչական իրավախախտումն ունի նվազ նշանակություն այն դեպքում, երբ տրանսպորտային միջոցի առջևի երկու անիվներն ամբողջությամբ չեն հատել գծանշումը, և դրա հետևանքով երթևեկության մյուս մասնակիցների համար խոչընդոտ կամ վթարային

իրադրություն առաջացնելու ակնհայտ վտանգ չի ստեղծվել, ինչպես նաև այն դեպքում, երբ իրավախախտումն անխուսափելիորեն կատարվել է երթևեկության այլ մասնակցի գործողության կամ անգործության պատճառով:

Ինչ վերաբերվում է դիմումատուի այն պնդմանը, որ խուսափել է ծառի ճյուղերի հետ բախումից, ապա դիմումատուն չի կատարել դեպի աջ շրջադարձ, այլ երթևեկել է ուղիղ, ուստի հնարավորություն է ունեցել նախորոք վերադասավորվել տվյալ երթևեկության գոտի:

Այսպիսով, դիմումատուի արարքում առկա են Վարչական իրավախախտումների վերաբերյալ ՀՀ օրենսգրքի 124-րդ հոդվածի 1-ին մասի հատկանիշները, հետևաբար նրան վարչական տույժ նշանակելու մասին որոշումն օրինական է և իրավաչափ:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 16.11.2020թ. թիվ 2011877923 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Կարեն Միրզոյանին:



Ե.Կարապետյան

Կատարող Կ.Ահարոնյան
Հեռ.՝ 011-544-783